

# KOLOSI

## Pepa Paulo ingere panzi kalo-tawana tamâta simo Kolosi lawea

*Paulo imo luma sakamao ilo nana ne wurâta nana itula pâri ara kê, ande ingere ngua njine ilâ panzi kalo-tawana tamâta simo Kolosi lawea lâ Esia tâno. Paulo munja imo Kolosi lawea tia, andeta ilonjo ngua tu ilo-kalo soki-soki nde iyaula kinzi kalo-tawana tamâta ilonzi kalonzi. Pananâna tamâta lanjeja pinde sipanananzi tu Kirisi nde Maro Kindeni Natu tia, kala imo rege-rege kunzi anjelo nâ. Aku situla tukuja kaa kaa pinde panzi tona. Andeta lâ pepa njine Paulo ileleanzi iporo kaika tu Yesu nde rege-rege kuku Maro Kindeni tamwata, kala i ne kaika nde njalae njinde. Aku itula vetâna arara pinde panzi tona nana ma sipaveta kuku.*

*Kinzi tamâta lâ Kolosi lawea kalonzi tawana Yesu mao nâ*

<sup>1</sup> Nanja Paulo, nanja amo Yesu Kirisi ne pâri-tamâta ikura Maro Kindeni tamwata ne pateâna mine. Nanja amo taitu kuku ninda-nambwe Timoti, <sup>2</sup> kala angere ngua lâ pepa njine tini imâ pa miki Maro Kindeni ne ngu kamo Kolosi lawea, miki njinde kapaipa kuku Yesu Kirisi lâ kala kalomi tawana i mao nâ. Kinda Tamânda Maro Kindeni ne wisi-wisi wa wisi-pisi wa imo kumi.

<sup>3</sup> Lâ zo ndia maka kakai noŋa pa nenda Maro Yesu Kirisi Tama Maro Kindeni, ande maka uru kaloma ŋgere ŋana miki kâ, aku lâ zo ŋinde rârâni maka kawama ndaŋge ilâ papa i. <sup>4</sup> Ŋana tu maka kaloŋo miki parinami tu nemi kalo-tawana ikeno kaika ndo pa Yesu Kirisi, aku miki uru tinimi mwasa ndo panzi Maro Kindeni ne tamâta rârâni. <sup>5</sup> Muŋga, lâ zo ŋinde pâri ara ne ŋgua mao ipâŋga wasaseki pami, ande miki kaloŋo ŋgua ŋana vetâŋa arara ŋinde ma muli imâ ipâŋga pami. Maro Kindeni uru ikatona vetâŋa arara ŋinde pami lâ samba lawea. Kala ŋine miki uru kao tinimi nâ ŋana vetâŋa arara ŋinde kâ, aku ŋine igagati ilomi kalomi ŋana kalomi tawana Yesu Kirisi ku kao ilomi ndo ilâ panzi Maro Kindeni ne tamâta. <sup>6</sup> Nanayoni, miki kaloŋo pâri ara ŋana Maro Kindeni ne wisi-wisi kâ, kala kasama wisi-wisi ŋinde kilala sondo lâ. Lâ zo muŋgâŋa ŋinde, aku imâ lee ipâŋga lâ zo ŋine, ande pâri ara ŋinde uru ipula kanaŋo ara ndo lâ ilomi kalomi. Aku pâri ara ndainani nâ isala nia ikura tâno pinde kala ipula kanaŋo ipâŋga mine nâ lâ tamâta rârâ ilonzi kalonzi tona. <sup>7</sup> Epafraŋ muŋga itula pâri ara ŋinde pami, kala miki kasama lâ. Epafraŋ nde Kirisi ne wurâta tamâta itogo maka mine, aku maka tinima mwasa ndo papa i. I uru ikai maka niama ŋana ivila miki sondo kâ. <sup>8</sup> Itapâri pama tu Koroani Sapâŋa igagatimi ŋana kao ilomi ndo ilâ panzi Maro Kindeni ne tamâta.

*Paulo ikai noŋa pa Maro Kindeni tu i ma ipu  
tini kaika panzi kalo-tawana tamâta simo Kolosi*

*lawea*

<sup>9</sup> Mine kala muŋga, lâ zo ŋinde maka kaloŋo miki parinami mine, aku imâ lee ipâŋga lâ zo ŋine, ande ikura zo zo maka kakai noŋa pa Maro Kindeni tu ma isukami ku io Koroani Sapâŋa imâ pami tu ipananami sondo ŋana vetâŋa ndia Maro Kindeni ilo papa ŋinde, ŋana miki ma kakai ilo-kalo ku kasama ŋinde sondo. <sup>10</sup> Maka nema noŋa ŋinde nde duvi mine; maka iloma tu miki ma kamo sondo, ikura Maro Ŋalae ipatea pami mine. Ambo miki ma kamo mine, ande i ma ilo ara ŋana nemi vetâŋa rârâni kâ. Maka iloma tu miki ma kaveta vetâŋa arara kie-kie, itogo kâi ipula kanoŋo mine. Aku iloma tu nemi ilo-kalo ma ipâŋga ŋalae, ŋana miki ma kasama Maro Kindeni kilala sondo kâ. <sup>11</sup> Maka kano pa Maro Ŋalae tu i tamwata ne walo ara ŋalae tina ŋinde ma ipu tini kaika pa ilomi kalomi, ŋana miki ma kamandi kaika ku kakale malia rârâni tava ndekâŋa nâ. <sup>12</sup> Maka iloma tu miki ma kawami ndaŋge pa kinda Tamânda. Ina kala muŋga ivetami kapâŋga tamâta ara, kala miki kakura tu kalenŋe vetâŋa arara rârâni i muŋga ipatea tu ma iveta panzi ne tamâta, kinzi ŋinde i uru ikai maro panzi kala simo lâ i ne sinâla ŋalae ilo. <sup>13</sup> Ŋana tu muŋga, kondoma ne walo ikai kinda kaika lâ. Andeta Maro Kindeni itikia kinda piti lâ, aku io kinda tamo kuku ŋgu ŋinde i Natu uru ikai maro papa. Maro Kindeni ilo ndo keno papa i Natu ŋinde. <sup>14</sup> Maro Kindeni Natuni ndaina iko kinda piti lâ kondoma ilo, aku izavaru nenda kiesaka rârâni piti marumbu lâ.

*Paulo itula Kirisi kilala pwataki*

<sup>15</sup> Kinda takura tu tamora Maro Kindeni nao lâ matânda, ande tia. Taitu i Natu itula Maro Kindeni kilala pwataki pa kinda tamora lâ. I Natu ñinde ikai maro pa kelekele rârâni ñinde Maro Kindeni muᅅga ipulianzi sipâᅅga. <sup>16</sup> Nia ndoyo Maro Kindeni ipatea tu i Natu ñinde ma ipulianzi kelekele rârâni lâ samba ilo wa tâno kulu wa. Ipulianzi kelekele rârâni kinda tamora lâ matânda wa kelekele rârâni takura tu tamora tia wa. Ipulianzi koroani kaika kie-kie ñinde uru simo sikai poe pa kelekele kie-kie. I tamwata muᅅgani ipulianzi kelekele rârâni, aku kelekele rârâni ñinde simo ᅅana sipanea i nâ. <sup>17</sup> Nia ndoyo, lâ zo ñinde kelekele rârâni ᅅandai sipâᅅga ᅅga, ande Kirisi imo muᅅgani lâ. Aku kelekele rârâni ñinde uru simo nianzi nianzi sondo lâ i kalo nâ. <sup>18</sup> I tamwata nde imo kulu-kâmba panzi kalo-tawana tamâta ᅅgu ᅅgu, aku ᅅgu ñinde nde simo sitogo i kie-mbalau mwasina. Kinzi kalo-tawana tamâta ᅅgu nenzi via duvi kala i. I tamwata imuᅅga panzi tamâta rârâni ᅅana imandi lâ mateᅅa nianzi imo via kilo. Mine kala i tamwata imo kulu-kâmba pa kelekele rârâni.

<sup>19</sup> Maro Kindeni ipatea tu i tamwata ne via tava ne ilo-kalo wa kilala ndoni ma ipipi lâ Natu ñinde ilo. Mine kala Maro Kindeni tamwata imo ndo kuku i. <sup>20</sup> Aku Maro Kindeni ipatea tu ma ikai kelekele rârâni lâ samba ilo wa tâno kulu wa, aku ma ikainzi simâ simo taitu kuku i tamwata kilo. Mine kala io Yesu Kirisi ilâ pa kâi popole imâte ku ipaliᅅi see maliᅅi ndue. Maro Kindeni ne vetâᅅa ñinde iveta kelekele rârâni simo taitu kuku i kilo.

<sup>21</sup> Munğa miki kapu mulimi ndo pa Maro Kindeni. Miki nemi ilo-kalo nde ikai kazâņa papa i. Mine kala kiesaka nde ipipi ndo lâ ilomi kalomi, kala kaveta vetâņa sakamao kiekie. <sup>22</sup> Andeta Kirisi nga imâte lâ kâi popole tini lâ, aku nana i ne vetâņa ara ninde kâ, ande Maro Kindeni ivetami kamo ilomi kalomi taitu kuku i marumbu lâ. I ne vetâņa ninde nde duvi mine; i ilo tu igona miki kamâ papa i tava ilomi mbârambâra ndo, nemi soki tonje tia. Ambo miki ma kamo mine, ande tamâta tonje ma ikura tu isowe ngua lâ tinimi nana nemi vetâņa kâ, ande ma tia. <sup>23</sup> Mine nde ara nana miki ma kasaņa nemi kalo-tawana ndindi nâ ku kamandi kaika. Tia ma vetâņa tonje imâ itogomi, aku ma kapile nemi mâsi nana kao tinimi pa Maro Kindeni tu ma iveta vetâņa arara pami. Pâri ara nde itula vetâņa arara ninde pwataki pa miki kalojo lâ. Naņa Paulo, naņani amo wurâta tamâta nana pâri ara ninde kâ, aku maka tamâta pinde uru katula pâri ara ndainani nâ panzi tamâta rârâni simo tâno kulu.

*Paulo uru ivilanzi Kolosi ngu*

<sup>24</sup> Kala nîne naņa andeka nâ nana nâna ninde munğa akai nana avila miki kâ. Kinda nde tamâta nana takai nâna mine kâ, aku nâna ninde nandai marumbu nga. Kala nîne naņa akai nâna lâ warakângu karaengu tini, itogo Kirisi munğa ikai nâna nana ivilanzi kalotawana tamâta, kinzi ninde simo sitogo i kiembalau mine. Aku nâna ma ikeno mine lee, ikura lâ zo ndia nâna mine ma marumbu ndo lâ. <sup>25</sup> Maro Kindeni tamwata munğani ipatea naņa

tu ma amo i ne ngu nenzi wurâta tamâta nana avila miki kâ. Aku ipatea wurâta pana tu ma aporo atula i kawa ngua ndoni. <sup>26</sup> Munğani, lâ nia ndoyo, aku imâ lee ipânga lâ zo nîne, ande Maro Kindeni kawa ngua ninde ikeno paveâna nâ, kala tamâta rârâni nde sizizâla ndo nana. Anğa lâ zo nîne ngua ninde ipânga nia yo panzi Maro Kindeni ne tamâta. <sup>27</sup> Maro Kindeni munğani ipatea tu ma itula ngua paveâna ninde ipânga nia yo pa i ne tamâta kindi. I kawa ngua ninde nde ara ku ara ndo, aku ngua ninde nde nana ivilanzi tamâta ngu rârâni simo tâno ndoni. Ngua paveâna ninde nde mine; Kirisi imo miki ilomi. Mine kala miki uru kao tinimi nana zo muli ninde miki ma kamo ara ndo kuku i lâ samba lawea.

<sup>28</sup> Mine nde maka uru katula Kirisi parina panzi tamâta rârâni taitu-taitu. Maka iloma tu tamâta rârâni ma sipaipa ndo kuku Kirisi, aku iloma tu nenzi ilo-kalo ma ipânga nğalae ndo. Mine kala maka uru kaporo ngua kaika panzi kapanananzi sondo. <sup>29</sup> Naņa uru amandi kaika ku amakâsa nğalae tina nana aveta wurâta ninde kâ. Kirisi walo kaika ilua naņa nana aveta mine, aku i ne walo ninde uru ipânga nia yo lâ nanenğu wurâta tini.

## 2

*Kinda ma kalonda tawana kaika ku tapu mulinda pa kinzi lanęęa tamwatanzi nenzi ngua*

<sup>1</sup> Naņa ilonęęu tu miki ma kasama mine; naņa uru amakâsa nğalae ninde nana avila miki kâ.

Aku naŋa uru amakâsa mine nâ ŋana avilanzi kalo-tawana tamâta simo Laodisia lawea tona, sitavanzi tamâta pinde naŋa ŋandai ataŋo mbaunzi ŋga. <sup>2</sup> Nanenŋu wurâta ŋine nde duvi mine; naŋa ilonŋu tu apu tini kaika pa miki rârâni ilomi kalomi, aku ilonŋu tu apanomi ŋana kamo ilomi kalomi taitu ku kao ilomi ndo ilâ panzi Maro Kindeni ne tamâta rârâni. Ambo miki ma kamo mine, ande nemi ilo-kalo ma ipâŋga sondo, aku ŋinde ma ara ndo. Njineŋga miki ma kasama Maro Kindeni ne ŋgua paveâŋa ŋinde duvi sondo. Kirisi tamwata nde ŋgua paveâŋa ŋinde kanaŋo. <sup>3</sup> Maro Kindeni ne ilo-kalo kie-kie rârâni nde itogo kelekele ara ndo, ne kulu ŋalae tina. Aku Kirisi simbo nâ ikatona ilo-kalo ndoni ŋinde ikeno i tamwata ilo.

<sup>4</sup> Naŋa tiningu pwâka tu tamâta tonŋe ma imâ iporo ŋgua mona-mona pa miki ŋana ilanemi kâ. Mine kala aporo ŋgua kaŋa mine pami lâ. <sup>5</sup> Lâ zo ŋine naŋa amo kumi tia, taitu naŋa uru kalonŋu ŋgere ŋanami ikura zo zo, aku ŋinde itogo naŋa warakâŋgu amo kumi. Aku naŋa andeka nâ, ŋana tu miki kamo ilomi kalomi taitu ku kamandi kaika, aku nemi kalo-tawana ikeno sondo ndo pa Kirisi.

*Kinda ma tapasipa lâ taitu kuku Kirisi ku takai via mao*

<sup>6</sup> Miki kalomi tawana tu Yesu Kirisi nde Maro Njalae. Mine nde ara ŋana miki ma kapasipa lâ taitu kuku i nâ, itogo kala ŋine miki kamo mine.

<sup>7</sup> Miki ma kapaipa kuku i, itogo kâi io mburumburu indue ilâ tâno ilo. Aku miki ma kasâu pa Yesu Kirisi tu isukami, itogo sâmbwe isuka

luma kâki mine. Ara nana nemi kalo-tawana ma ipângga kaika ndo, itogo muṅga sipananami mine. Aku ara nana miki ma kaporo ndanḡe ṅalae ilâ pa Maro Kindeni nâ ikura zo zo.

<sup>8</sup> Miki kapakatona sonḡo ṅga. Tia ma tamâta tonḡe itula tâno tamâta nenzi ilo-kalo lanḡa kaṅa-kaṅa pami, aku ṅgua kaa ṅinde ma isae ilomi kalomi ne nzâla giri lâ. Ilo-kalo kie mine ṅandai iyoka pa Kirisi imâ pa kinda ṅga. Kinzi tamâta sikai ilo-kalo kaa mine lâ timbunzi wa tâno ṅine ne ṅgua kaa kaa wa.

<sup>9</sup> Miki kasama tu Kirisi nde ipângga tamâta itogo kinda mine, andeta Maro Kindeni ne via wa kilala ndoni nde imo ndo kuku i. <sup>10</sup> Kirisi nde imo kulu-kâmba panzi koroani kaika rârâni, kinzi ṅinde uru sikai poe pa kelekele kie-kie. Miki kapaipa kuku Kirisi lâ. Mine kala Maro Kindeni via mao ilami marumbu lâ, aku via ṅinde nde ipipi ndo lâ ilomi. <sup>11</sup> Miki kapaipa kuku i lâ, aku ṅinde itogo miki kakai karae-veṅa ne mâsi tonḡe. Taitu mâsi ṅinde ṅandai irerege kuku tamâta nenzi mâsi nana sive karaenzi kâ. Kirisi iveta mâsi ṅinde ipângga kanaanjo lâ ilomi kalomi. Muṅga, lâ zo ṅinde miki kapaveta kuku mâsi mao ṅinde, ande Kirisi iyautemi piti lâ ilo-kalo siṅga ne vetâṅa potomule. <sup>12</sup> Muṅga Maro Kindeni ne walo kaika ipaṅjo Kirisi lâ mateṅa nianzi imo via kilo. Aku miki kapaipa kuku Kirisi lâ. Mine kala lâ zo ṅinde miki kalili pâri ara ne lââ, ande ṅinde itogo Maro Kindeni ikea miki lâ kuru ilo kuku Kirisi, ṅinenḡa ipaṅomi kamo viami kilo kuku i.

<sup>13</sup> Muṅga miki kaveta kiesaka kie-kie, aku



kapono muli pa ilo-kalo sinḡa nâ. Lâ zo ḡinde, miki kamo katogonzi mateḡa tamâta mine, aku miki kamo piti ndo ḡana Maro Kindeni ne ḡgua pâḡa kâ. Andeta kala ḡine Maro Kindeni via mao ilua kinda lâ, itogo via ḡinde muḡa ilua Kirisi mine, aku izavaru nenda kiesaka rârâni piti lâ tininda. <sup>14</sup> Nanayoni Mose ne ḡgua tukuḡa itula nenda vetâḡa soki rârâni ipâḡa nia yo, aku tukuḡa ḡinde ikai kazâḡa pa kinda lâ ḡgua nia. Andeta Maro Kindeni ikai ḡgua tukuḡa ḡinde ne walo ndoni piti lâ, aku isona itâra lâ Kirisi ne kâi popole tini. <sup>15</sup> Kirisi ne mateḡa lâ kâi popole tini izavaru koroani kaika nenzi walo ndo lâ, kinzi koroani ḡinde uru sikai poe pa kelekele kie-kie. Kirisi ne mateḡa ḡinde itula pwataki panzi tamâta rârâni tu i ipolenzi koroani ḡinde rârâni marumbu lâ, aku ivetanzi sipâḡa togo kelekele kaa nâ lâ tamâta rârâni naonzi.

*ḡgua tukuḡa ne vetâḡa kie-kie ikura tu ivila kinda, nde tia*

<sup>16</sup> Mine nde miki ma ilomi ḡalae koḡa ḡana tamâta nenzi ḡgua tukuḡa kiri-kiri ḡana kâḡa-nuḡa wa kumbwa kie-kie wa nzimona wasaseki wa pwareâḡa ne zo sapâḡa wa, mine ndimo.

<sup>17</sup> ḡgua tukuḡa ne vetâḡa ḡinde rârâni nde itogo uḡa kaa nâ, aḡa vetâḡa mao nde ipâḡa muli. Kirisi nde vetâḡa mao warika.

<sup>18</sup> Tamâta pinde uru sitapâri ḡalae koḡa ḡana mâsi pinde simora lâ nenzi mbupuleḡa. Kinzi tamâta mine sipono muli pa tamâta nâ nenzi ilo-kalo kaa nâ, kala sipasuka warakanzi tininzi koa tia nâ. Kinzi sindeka ḡana silâḡe tu kinzi sipatawa warakanzi tininzi, aku sindeka ḡana

sipaneanzi aḡelo tona. Miki ma kapaloḡo pa nenzi ḡgua laḡeḡa ḡinde ndimo. Tia ma muli Maro Kindeni ma tini pwâka tu kulu ara tonḡe ilami. <sup>19</sup> Tamâta ḡinde nde sipatâpa warakanzi piti ndo ḡana Kirisi kâ, ina kala imo kulu-kâmba pa kinda kalo-tawana tamâta ḡgu. I uru ikai poe pa ne ḡgu kinda, aku i simbo nâ uru ivila nenda kalo-tawana ḡana itumbu ḡalaḡala, ikura Maro Kindeni ipatea pa kinda mine.

<sup>20</sup> Miki kapaipa kuku Kirisi lâ, aku ḡinde itogo miki kamâte kuku i. Mine kala tâno ḡine ne ḡgua kaa kaa ikura tu ikai poe pami kilo, ande tia. Mine nde ḡana sâ kâ ḡga miki kamo katogonzi tâno ḡine ne tamâta, a? ḡana sâ kâ ḡga miki kapono muli pa tâno tamâta nenzi ḡgua tukuḡa kiri-kiri, a? <sup>21</sup> Kinzi nenzi ḡgua tukuḡa ḡinde nde kie mine: “Noko ma kusaḡa ḡinde ndimo”; “Noko ma kuka ḡinde ndimo”; “Noko ma kutano ḡinde ndimo”. <sup>22</sup> Taitu tukuḡa kie mine nde ḡana kelekele kaa nâ kinda takai, ḡineḡga marumbu walele nâ. Kinzi tamâta nâ situla ḡgua tukuḡa mine ku sipanana kinda tu taponu muli papa. <sup>23</sup> Mao nâ, tamâta pinde ilonzi patea tu tukuḡa mine irereḡe kuku ilo-kalo ara, ḡana tu tukuḡa ḡinde itula vetâḡa ḡana tapaneanzi aḡelo wa tapatawa warakânda tininda wa taveta nâna pa warakânda karaenda wa. Andeta vetâḡa kie mine ikura tu ivila kinda ḡana tapu mulinda pa ilo-kalo siḡga ne vetâḡa potomule kâ, ande tia.

*Kinda takai via wasaseki kuku Kirisi*

<sup>1</sup> Muŋga, lâ zo ŋinde Maro Kindeni ipaŋo Kirisi lâ mateŋa nianzi imo via kilo, ande miki kala kakai via wasaseki tona. Mine nde ara ŋana miki ma ilomi pa samba ne kelekele nâ. Lâ samba lawea, ande Kirisi isaŋona imo pa Maro Kindeni tini pa wia kâ. <sup>2</sup> Ara ŋana miki ma kalomi ŋgere ŋana samba ne kelekele nâ ikura zo zo. Miki ma kalomi ŋgere ŋana tâno ne kelekele ndimo. <sup>3</sup> Ŋana tu itogo miki nemi ilo-kalo ŋinga nde imâte lâ, aku miki kapasipa lâ taitu kuku Maro Kindeni lâ. Mine kala Maro Kindeni ikatona nemi via mao pami lâ nia ŋinde Kirisi imo. <sup>4</sup> Kirisi nde nemi via mao ŋinde warika. Aku lâ zo ŋana i ma itaulo imâ ipâŋga nia yo, ande miki ma kamo kuku i, aku tamâta rârâni ma simora i kilala pwataki tu i imo Maro Ŋalae.

*Kinda tapâŋga tamâta wasaseki lâ*

<sup>5</sup> Mine nde ara ŋana miki ma kapu mulimi ndo pa tâno ŋine ne ilo-kalo rârâni. Ilo-kalo ŋinde uru igagatimi ŋana kapalulua tinimi potomule wa, kapaveta kuku vetâŋa muso kie-kie wa, ilomi yosi pa tinimi pinde nenzi kelekele wa. Lâ Maro Kindeni nao, ande mâsi ŋana ilomi yosi pa tinimi pinde nenzi kelekele kâ ande irerege kuku mâsi sakamao ŋana kawâŋgi kapaneanzi maro laŋeŋa kâ. <sup>6</sup> Ŋana vetâŋa kie mine kâ, ande Maro Kindeni ne wisi-nâna ma imâ panzi tamâta ŋinde uru taŋanzi kaika pa i ne ŋgua. <sup>7</sup> Aku muŋga miki warakami kala kaponu muli pa ilo-kalo potomule ŋinde mine nâ, kala kapaveta

kuku vetâṅa ṅinde rârâni. <sup>8</sup> Anḡa lâ zo ṅine, ande miki ma kapile vetâṅa potomule kie-kie mine; mâsi ṅana wisi-nâna kâ, anḡa mâsi ṅana pawana kâ, anḡa mâsi ṅana ilomi kâki ṅana kaveta malia panzi tinimi pinde kâ, anḡa mâsi ṅana kaporo ṅgua soki ṅananzi tinimi pinde kâ, anḡa mâsi ṅana kaporo ṅgua sakamao-sakamao kâ. <sup>9-10</sup> Miki muṅga kasoki ilo-kalo sinḡa tava ne mâsi rârâni piti lâ, aku kapâṅga tamâta wasaseki marumbu lâ. Mine kala miki ma kaporo ṅgua laṅeṅa panzi nimi-nambwe kalotawana tamâta ndimo. Maro Kindeni ipuliami kapâṅga tamâta wasaseki lâ, aku i ilo tu miki ma kasama i kilala sondo ndo. Mine kala ikura zo rârâni i uru iveta wurâta lâ ilomi kalomi, ṅana miki ma kapâṅga kamo togo i tamwata imo mine. <sup>11</sup> Kinda tapâṅga tamâta wasaseki lâ. Mine nde kinda rârâni tamo rege-rege nâ. Kinzi tamâta lâ tinikoa ṅgu nde rege-rege kunzi tamâta lâ Juda ṅgu. Anḡa tamâta ṅinde muṅga sikai karae-veṅa ne mâsi lâ tininzi nde rege-rege kunzi tamâta ṅinde ṅandai sikai mâsi ṅinde lâ tininzi. Anḡa tamâta ṅinde simo lâ tâno malawae, nenzi ṅgua wa vetâṅa piti-piti, sitavanzi tamâta uru siveta wurâta koa tia nâ panzi tamâta pinde wa tamâta uru sikai mbumbu lâ nenzi wurâta tini wa, ande kinzi ṅinde rârâni nde rege-rege nâ, ṅana tu Kirisi simbo nâ nde ṅalae, aku i tamwata imo ne tamâta kinda rârâni taitu-taitu ilonda.

*Kinda ma tao ilonda ndo ilâ panzi tininda pinde*

<sup>12</sup> Maro Kindeni ipatea miki tu ma kamo i tamwata ne ngu, aku i ilo ndo keno pami. Mine nde ara nana miki ma kapaveta kuku vetâna arara mine: miki ma kalomi sukâna panzi tinimi pinde; miki ma kaveta kemi ara nâ panzi; miki ma kapatawa warakami tinimi; miki ma kamo mwasa nâ kunzi tinimi pinde; aku miki ma wisimi nâna walele panzi ndimo. <sup>13</sup> Ambo noko ninambwe kalo-tawana tamâta tonje ma italea noko nana vetâna tonje munja kuveta, ande noko ma wisi nâna papa i ndimo. Ara nana miki taitu-taitu ma kazavaru nimi-nambwe nenzi vetâna soki rârâni piti lâ. Maro Nalae izavaru miki rârâni nemi kiesaka piti lâ; mine nde miki kala ma kazavaru tinimi pinde nenzi vetâna soki piti lâ tininzi mine nâ. <sup>14</sup> Aku ara nana miki ma kasenge vetâna taitu njine ilâ kunzi vetâna arara njinde; miki ma ilomi ndo panzi tinimi pinde. Vetâna njine nde ipolenzi vetâna arara rârâni, aku iveta miki kamo ilomi kalomi taitu, ikura Maro Kindeni ne pateâna mine.

<sup>15</sup> Maro Kindeni ipatea tu miki ma kamo see ngu taitu, aku i ilo tu Kirişi ne wisi-pişi ma imo nginimi. Mine kala ara nana miki ma kasâu pa i ne wisi-pişi njinde tu ikai poe pami. Aku ara nana miki ma kawami ndenge papa i tona. <sup>16</sup> Lâ zo ndia miki ma kakai ilo-kalo ara ku kapanananzi nimi-nambwe kalo-tawana tamâta wa katunzi sondo wa, ande lâ zoni ndaina miki ma kapasakana Kirişi ne ngua ara rârâni ikeno kaika lâ ilomi kalomi. Aku lâ zo ndia miki kawângi wângija paneâna kâ wa

ndekâŋa ne wâŋgiŋa wa wâŋgiŋa pinde Koroani Sapâŋa itula ipâŋga lâ ilomi kalomi wa, ande ara ŋana miki ma kapasakana Kirisi ne ŋgua ŋinde kaika ku kawâŋgi tava kawami ndaŋge pa Maro Kindeni. <sup>17</sup> Aku nemi ŋgua poroŋa ndia wa vetâŋa ndia miki kaveta wa, ande miki ma kaveta ŋinde rârâni lâ Maro Njalae Yesu ŋa. Aku Yesu ma isukami ŋana kawami ndaŋge pa Tamânda Maro Kindeni.

*Paulo iporo ŋgua panzi tamâta simo see taitu*

<sup>18</sup> Miki taine ma kaveta ikura kaiwami tamâne kawanzi ŋgua mine. Mâsi ŋinde nde sondo ndo lâ Maro Njalae nao. <sup>19</sup> Anŋa miki tamâne ma tinimi mwasa nâ panzi kaiwami taine. Miki ma kambitanzi ku kaleleanzi ŋalae koŋa ndimo. <sup>20</sup> Anŋa miki lâlu, miki ma kapono muli pa tinami-tamami nenzi ŋgua ikura zo rârâni. Maro Njalae ilo ara ndo ŋana vetâŋa mine. <sup>21</sup> Anŋa miki lâlu ŋinde tamanzi, miki ma kaveta natumi ŋinde wisinzi nâna ndimo. Ambo miki ma kaveta mine panzi, ande kinzi ma simo tava ilonzi malia nâ.

*Paulo iporo ŋgua panzi tamâta uru siveta wurâta koa tia nâ, sitavanzi tamâta ŋinde nenzi tamâta ŋalaŋala*

<sup>22</sup> Miki tamâta ea uru kaveta wurâta koa tia nâ panzi tamâta ŋalaŋala, miki ma kapono muli pa nenzi ŋgua rârâni. Miki ma kaveta mine lâ zo ndia kinzi simo laiti silea pami, aku lâ zo ndia simo malawae tona. Miki ilomi tu kinzi ma sindeka ŋana nemi wurâta kâ, aku ŋinde nde ara. Andeta miki kamege ŋana Maro Njalae, aku

ņana duvi ņinde kâ miki ma kalomi ņgere sondo ku kaveta nemi wurâta rârâni ara nâ. <sup>23</sup> Wurâta ndia miki kaveta, ande miki ma kamandi kaika ku kaveta wurâta ņinde sondo ndo. Ara ņana miki ma ilomi mine; “Naņa aveta wurâta ņine panzi tamâta nâ, ande tia. Naņa aveta wurâta ņine papa Maro ņalae tona.” <sup>24</sup> Miki kalomi ņgere sondo ņana ņine kâ; Maro ņalae nde ipatea vetâņa arara pinde ņana iveta panzi ne tamâta, aku muli i ma iveta vetâņani ndaina pami, itogo nemi wurâta ne kulu mine. Kirisi ina nemi koipu mao, aku wurâta ndia miki kaveta, ande miki kaveta papa i. <sup>25</sup> ņana tu tamâta ea kinzi siveta vetâņa potomule, ande kinzi ma muli sikai pareņa-nia ņana nenzi vetâņa soki ņinde kâ. Maro Kindeni iveta vetâņa kie taituni panzi tamâta rârâni.

## 4

<sup>1</sup> Anņa miki tamâta ņalaņala, miki ņinde kala kamo koipu panzi wurâta tamâta pinde, ande miki ma kaveta kemi ara ku sondo nâ panzi. Miki kalomi ņgere sondo ņana ņine kâ; miki warakami nemi koipu kala imo samba lawea.

*Kinda ma tapakatona warakânda nenda vetâņa ku takai noņa sondo*

<sup>2</sup> Miki ma kakai wulitia ņana kano pa Maro Kindeni kâ ndimo. Aku lâ zo ndia miki kakai noņa, ande miki ma kalomi ņgere sondo ku kawami ndanņe papa i. <sup>3</sup> Aku ara ņana miki ma kakai noņa pa Maro Kindeni tu ma ivila maka tona, ku ma ikai nzâla piti pama ņana katula i kawa ņgua ņana Kirisi kâ. ņgua ņinde muņņa

ikeno paveâŋa nâ, kala ñine ipâŋga nia yo. Kinzi sipa wâlo kaika lâ tiningu ku sio naŋa amo luma sakamao ilo ñana nanenġu wurâta ñinde kâ. <sup>4</sup> Aku ara ñana miki ma kano pa Maro Kindeni tu ma ivila naŋa ñana atula ŋgua ñinde sondo ipâŋga nia yo, ikura i ne pateâŋa mine. <sup>5</sup> Tamâta pinde ñandai kalonzi tawana Yesu Kirisi ŋga. Lâ zo ndia miki kamo kunzi tamâta mine, ande miki ma kapakatona sondo ñana nemi vetâŋa kâ. Ambo miki ma kaluku ñana katula pâri ara panzi tamâta ñinde ikura zo rârâni, ande ñinde ma ara. <sup>6</sup> Aku lâ zo ndia miki kaporo ŋgua panzi, ande miki ma kaporo ŋgua ara nâ. Ambo miki ma kaveta mine, ande kinzi ma ilonzi ara ñana silonġo nemi ŋgua kâ. Ambo tamâta tonġe ma ikasonġami ñana ŋgua pinde, ande miki ma kaporo ŋgua sondo nâ taulo papa.

*Paulo isupwanzi Tikikus ku Onesimus rua silâ pa Kolosi lawea*

<sup>7</sup> Tikikus ma imâ itapâri pami ñana vetâŋa rârâni ipâŋga pa naŋa lâ. Tikikus nde ninda-nambwe, aku maka iloma ara nâ papa i. I uru iveta wurâta pa Maro Njalae, itogo maka mine, aku ne wurâta ñinde nde ipâŋga ara ndo. <sup>8</sup> Mine kala naŋa asupwa i imâ pami, ñana miki ma kasama ñana maka nema sanonâŋa wa moŋa wa. Naŋa ilonġu tu i ne ŋgua ñinde ma ipu tini kaika pa ilomi kalomi. <sup>9</sup> Aku naŋa asupwa nawalami Onesimus kala imâ kuku Tikikus. Onesimus nde ninda-nambwe, aku i uru iveta ne wurâta rârâni sondo nâ. Kinzi rua



ma sitapâri pami nana vetâna rârâni kala njine ipânnga lâ nia njine.

*Paulo iporo wisi ara ne ngua ilâ panzi Kolosi ngu*

<sup>10</sup> Aristarkus imo kuku nana lâ luma sakamao ilo, aku i kawa kari ara pami. Annga Malaka, ina Banabas tai, ande i kala mine nâ kawa kari ara pami. Ambo Malaka ma imâ pami, ande ara nana miki ma kandeka nâ ku kakai imâ imo kumi, ikura ngua njinde munga sipananami mine. <sup>11</sup> Annga Jisas, i na tonje Jastus, ande i kala kawa kari ara pami. Lâ Juda ngu, ande tamâta nato njinde simbonzi nâ uru siveta wurâta kuku nana nana kakainzi tamâta simâ Maro Kindeni ne ngumbi ilo. Aku kinzi uru sivila nana sondo nâ. <sup>12</sup> Annga Epafras kala kawa kari ara pami tona. I nde miki nawalami tonje, aku imo Yesu Kirisi ne wurâta tamâta. Ikura zo rârâni, ande i uru ikai noja kaika pa Maro Kindeni tu i ma isukami, nana miki ma kamandi kaika ku kaponi muli sondo pa vetâna rârâni Maro Kindeni ipatea pami njinde, itogo kalo-tawana tamâta mao uru siveta mine. <sup>13</sup> Nana warakangu asama kala aporo pwataki tu Epafras uru imakâsa nalae tina nana ivila miki tavanzi kalo-tawana tamâta simo Laodisia lawea wa Hierapolis lawea wa. <sup>14</sup> Annga Luka, ina tamâta nana ivetanzi pukona kâ njinde maka tinima mwasa ndo papa, ande kinzi rua Demas rua kala kawanzi kari ara pami. <sup>15</sup> Nana ilongu tu miki ma kaporo kawama kari ara panzi ninda-nambwe kalo-tawana tamâta simo

Laodisia lawea, aku imâ pa Nimfa tavanzi kalotawana tamâta uru sipasau lâ i ne luma njinde tona.

<sup>16</sup> Naña ilongu tu miki ma kapono pepa njine marumbu lâ nga, njinenga kao ilâ panzi kalotawana tamâta ngu simo Laodisia lawea, njana kinzi kala ma sipono tona. Aku pepa njinde naña munnga ao ilâ panzi kalotawana tamâta simo Laodisia lawea, ande naña ilongu tu kinzi ma sio pepa njinde imâ pami njana miki ma kapono tonâ.

<sup>17</sup> Aku miki ma kaporo ngua mine pa Arkipus; “Noko ma kupakatona sondo, aku wurâta njinde munnga silano njana kuveta pa Maro Njalae kê, ande noko ma kuveta wurâta njinde sondo lee ikura wurâta njinde ma marumbu ndo lâ.”

<sup>18</sup> Naña Paulo, naña warakângu mbaungu angere kari ara ne ngua njine imâ pami. Naña ilongu tu miki ma kalomi ngere njana naña kê, njana tu naña amo luma sakamao ilo amo naji yo. Maro Kindeni ne wisi-wisi imo kumi.

**MARO KINDENI KAWA NGUA**  
**The New Testament and Psalms in the Sio Language**  
**of Papua New Guinea**  
**Nupela Testamen long tokples Sio long Niugini**

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

---

PDF generated using Haiola and XeLaTeX on 4 Mar 2023 from source files dated 22 Nov 2019

b3b81168-89df-5bc3-8b0c-cf72ef93d3de